


Sanhgyangh Gvansiuj Dunz Baenz Buek Daih' it Mbanjranz Saujsu Minzcuz Daegsaek Cungguk Raeuz

三江冠小屯成为首批中国少数民族特色村寨



▲Gaiqbaiz miznaj.

◀Laeuz ranzfaex daegsaek Dungcuz.



▲Gyoenga lingjauj yawingonz vienjok.



▲Diuq fouxdohyeh.



▲Biengjbaiz yizsi.




▲Laeujndei ginga vunzhek.



▲Naihlaux cienzswnj dinfwngz minzcuz.



▲Baet seuq mbanjranz, naihlaux miz faenh.



▲Gizdieg caepguh minzcuz doxgiet cinbu.

Bonjbauq siusik(gicej Suh Gyahgvai) Youz gak dieg minzvej doigawj, ginggvaq guekgya minzvej cujcz conhyah bingzsaemj, gih raeuz Sanhgyangh Dungcuz Swciyen Linzhih Cin Gvandung Cunh Gvansiuj Dunz daengj 59 aen mbanj deng Guekgya Minzvej aeu diuzmingz hawj guh buek daih' it "Mbanjranz Saujsu Minzcuz Daegsaek Cungguk" (daengx guek ngamq aeu mingz hawj 340 aen mbanj). 4 nyied 28 hauh banhaet, Swcigh Minzvej dangcuj fusuhi, fucujyin, sinzsiyenz Vanz Cigen, Liujcouh Si cangzej, fusicangj Fu Yangdungh song boux de vih Sanhgyangh Dungcuz Swciyen Linzhih Cin Gvandung Cunh Gvansiuj Dunz guh biengjbaiz yizsi.

Ranz Gvansiuj Dunz dwg yungh faex daeuj guh diuggiek, minzfungx ndeindi, ndaw mbanj seuqsak, minzcuz fungxcingz noengznwd, daegsaek canjyez fazcanj vaiqriengj, "ngaiz bak ranz Mbanj Gvansiuj" riuзмingz ndaw guek rog guek, dwg gizdieg sifan minzcuz doxgiet gih raeuz, gonqlaeng deng bingz guh Gizdieg Sifan Nungzyez Lijyouz Daengx Guek, Gizdieg Ranzfaex Gveiqbaek Siuhfangz, Liujcouh Si Minzcuz Doxgiet Cinbu Mozfan Cizdij, Sanhgyangh Yen "Mbanj Cib Ndei Swnghdai Vwnzva" daengj. Seizneix, aen mbanj neix gaenq baenz le gizdieg hekyouz seiq fueng bet baih daeuj daejniemh minzcuz vwnzva doxhuz, gizdieg hekyouz gwn ngaiz bak ranz caeuj gizdieg hekyouz aeu fukheiq bak ranz ndeu. Doengzseiz, "Gwn Ngaiz Bak Ranz" gaenq baenz gaiq ciubaiz gim Mbanj Gvansiuj gig miznaj he. Bi 2008, Mbanj Gvandung "Ngaiz Bak Ranz Dungcuz" deng lied haeuj Gvangjsih Bouxcuengh Swcigh Feihvuzciz Vwnzva Yizcanj baujhoh hanghmoeg, gij minzcuz daegsaek caeuj fungxcingz daegbied de yinx daihliengh hekyouz daeuj cunzcet, baenz le gizdieg ndei hekyouz daeuj cimz ngaiz bak ranz ndeu.